

Dt. B. Nurdin Jacob

PUTI
MARINTAN ALUIH

LAGO DBAWAH GUNUANG

3 13

C

C.V. Penerbit INDAH
BUKITINGGI

MILIK PERPUSTAKAAN
BALAI BAHASA PADANG

HIBAH
DARI BAPAK LUKMAN ALI
UNTUK BALAI BAHASA PADANG

MILIK PERPUSTAKAAN BALAI BAHASA PADANG

DI TERIMA TEL : 6 September 2000


SURSENYA : H

KOLEKSI :

NO. INVENTARIS : 3670/H/2000/P.1 (2)

KLASIFIKASI : 899.223.13

Dt. B. Nurdin Jacob



PUTI
MARINTAN ALUIH

TALAGO DIBAWAH GUNUANG

C.V. Penerbit INDAH
BUKITINGGI

Dt. B. Nurdin Jacob

TALAGO DIBAWAH GUNUNG

**Tjerita ini telah diudarakan oleh R.R.I. studio
Bukittinggi**

Pe'aku:

1. MARAH BAGANTI
2. MARINTAN ALUIH
3. MANTJAJO ALAM

TALAGO DIBAWAH GUNUANG

Angin kantjang bukan kapalang, Tagerai ram-
buih nan pandjang tasimbah-simbah kain dibadan
namun lari ditjubo djuo.

Langkah nan pandjang manuruikkan mangadja
djuo dibalakang. Dek lamo lambek mangadja dapek
tangannjo dek Marah Baganti ijolah tangan Puti
Marintan Aluih. Dipatjikkannjo arek² indak dapek
manggaleta lai galak badarai maso itu

Batambah tasirok darah didado bakutjak
iman urang mudo maliek rupo gadih nantun ran-
tjak nan bukan alang² tjando dilukih digambakan.

Bunji angok bak kudo dilalah paluah basimbah
pado badan. Kunun di Puti Marintan Aluih takuik
batjampua djo tjameh malu rasonjo indak tabodo.

Bakato Marah Baganti galaknjo badarai-darai:
Manolah puti djanjo denai kamano djuo puti
kalari indak kalapeh dari tangan!

Bakato pulo Puti Marintan Aluih injo mare-
ngek-regek ketek:

Tuan denai urang disiko lapehkan baa tangan
denai malu diliek urang lalu djokok nampak
dek urang ba-

njak barapo buruaknjo sangko urang tuan budjang denaipun gadih.

O, tuan djo den dituan lapehkan malah tangan denai.

Galak mangakah Marah Baganti barapo kutjinkak djo kutjindan :

Denai nan bukan urang bodoh mukasuik denai indaklah buruak bukannya denai urangילו hanjo digilo adiak kandung.

Siapokoh garan namo adiak rantjak nan bukan alang² rambuik nan bak majang maurai dimuko tjintjin taruhan ditangan ombak baralun.

Batambah sirah muko nan kuniang mandangkato nan bak kian injo manakua sambia bakato :

Manolah tuan djanjo denai usahlah tuan bandai-handai lapehkan malah tangan denai kareh bana patjik tuan sakik dek denai garan tu kini.

O, tuan ampunlah denai denai ka pai hanjo laihandak babaliak ka ateh gunuang alah rusuah mandeh tu kini mananti denai balun pulang lamo bana denai disiko bamain-bamain diateh dunia.

Kunun di Marah Baganti raso batukuak mijang dihati batambah njalo maso itu :

Adiak kanduang djanjo denai bari luruih denai batanjo siapokoh garan namo adiak djo siapa adiak kamari dari mano handak kamano mangapo adiek surang sadjo ?

Ampunlah denai pado tuan denai nan indak urang disiko kito nan indak urang sabangso tuan manusia denai mambang nan turun dari ateh gunuang Marapi

Basamo-samo kami kamari mandi² kapintjuran tudjuah badjalan-djalan ka ateh dunia.

Malang tjilako badan denai takadjuik kami dek tuan kawan denai lah habih balarian tabao dek mareko tjintijin tjinto² nan talatak didalam puan. Djadi karano nan ba'k kian bandan nan aluih mandjadi kasa denai indak dapek mahilang lai. O, tuan djo den dituan lapehkan malah tangan denai denai ka pulan hanjo lai.

Galak tabahak Marah Baganti mandangkalan tju-rito Puti Marintan Aluih. Gadang hatinjo bukan main saraso mandapek durian runtuh putjuak ditjinto ulam tibo:

Manolah adiak kanduang denai bari maaf denai di adiak adiak nan indak kadenai lapehkan bodoh bana malah denai denai mandapek durian runtuh putjuak ditjinto ulam tibo aie dalam

karang manonggok setinggi tjampua kumajan
sirindu batjinto hati. Mano buliah adiak babaliak.

Galaknjo badarai-darai djuo lah habih hari dek
kutjikak barapo garah djo kutjindan tangan nan
aluh njo pat,ikkan djuo.

*
* *

Alah patang tjandonjo hari babondong buruang
kasarangnjo bagageh taranak babaliak pulang. Namun
rangmudo Marah Baganti duo djo Puti Marintan
Aluh gilo dimabuak reno hati tjinto bapadu maso
itu samo tadajo kaduonjo.

Sungguah samantang pun bak nantun tabik ta-
ngihnjo Marintan Aluh :

Indak hibo tuan di denai barapo karusuah man-
de denai tjameh mamikiakan badan denai alah
tagamang garan tu kini pai nan indak babaliak
djuo barusuah hati siang malam rindu di ba-
dan diri denai.

Bakato pulo Marah Baganti bakato basungguah-
sungguah :

Adiak kandung puti Marintan Aluh djokok
adiak ka pai djuo denai nan indak amuah ma-
peh surang. Bialah denai maantakan denai
nan indak amuah tingga. Sio² denai malapch
adiak ka badjalan surang sadjo ka malalui
rimbo balantaro apolai pulo

adiak kandung denai batjinto pado adiak.

Tuan denai Merah baganti dangakan malah kato denai dimano buliah tuan pai kito nan belak urang sabangso. Tjubo pikia malah dek tuai dimano dapek kito badjedoh tuan didunia denai dilangik.

Kok kasiah tuan lah tahu kasiah denai batu pulo. Sungguah samantang pun bak nantua djo-kok dikadji asa djo usua indak elok kito badjedoh buruak djuo akia kalaknja.

Duduk tamanuang Merah Baganti aia mato iriang gumiriang djauh tahibo dalam hati :

Adiak kandung Marintan Aluih indak lobo adiak di denai sampai hati adiak badjalan maninggakan denai dalam batjinto.

Bialah denai mati disiko pado hiduik baputih mato eloklah mati baputih tulang.

Iko karih tikamlah denai usahlah adiak babanjak lielah nampakujo adiak indak pitajo hati nan duo vaneh tigo amarah lai pitajo lile.

Apo gunonjo lileuk lai ambiak karih buliah dado nak sanang hati badjalan usah dikana kana djuo.

Kunun rang gadih Marintan Aluih mandanga kato nan bak lile raso taseggung induang d'pantuang hanguih rasonjo dalam dado. Hati lakak'nto batampo dek mato palingan sjean dek hati pa-

lingan Allah awak nan samo rantjak pulo awak
nan samo mudo matah. Lalu bakato muso itu :

Manolah tuan Marah Baganti tjubolah pikia
malah dek tuan laikoh mukin denai djo tuan
ka ba apo kato urang banjak bak mano bitjaro
mande djo bapak apo katenggang badan denai.
denai badjalan mantjari djodoh laikoh pauik
nan bak kin indak biasa nan bak nantun. Malu
malah dunsanak denai djadi galakan urang na-
gari djadi gundjingan kasudahannjo.

Sabaliak lai tjubo pikiakan karano kito indak
sabangso misiki denai ado babangso dibanso
tuan iino djuo.

Baitu djuo garan tuan sakalipun radjo tuan di-
siko dinagari denai randah djuo. Baitu adack
sadjak dahulu damikian pandapek nan balaku
sadjak salaruik salamo iko sadjak samulo nia
hilia sadjak samulo awar putih sadjak salamo
gagak hitam sampai kini bafun baubah pikia-
kan bana malah dek tuan.

Tantangan dikato adiak nantun itulah kato sa-
bananjoe. Sungguah samantang pun nan bak nan-
tun didenai nan indak paduli!

Mangapo diindahkan kato urang mangapo di-
dangkan iko etan mangapo manjeso nan biasa
djokek sabananjo adiak batjinto. Mangapo di-
hetong labo rugi roman bak tjando urang

menggalah nan manimbang sapitih djo sagadang. Kasiah denai indak baitu indak denai baduo hati usah di timbang djo ameh perak usah dinilai djo dirago. Santano adak landak manimbang djuo timbalannjo njao badan sadjo !

Galak tasanjum Marintan Aluih pipi marak manjirah djambu manambah manih maso itu injo bakafo sambia manakua :

Tuan denai Marah Baganti djokok kasiah nan tuan sabuik tjinto tadorang pado tuan kasiah tadjarek dalam hati habih njao bakisai badan hanjolah tuan tampek hati.

Lupolah denai pado diri lupolah denai pado asa mabuak batjinto dalam hati,

Mandanga kato nan bak kian mandanga kasiah lai busembuik djokok tjinto lai babeleh batapuak nan indak sabalah tangan hati nan kambang² kian sadjuek rasonja kiro² sananglah hati maso itu batjampua dengan arok tjameh :

Manolah Puti Marintan Aluih adiak kanduang sibiran tulang tjajo mato idaman hati sabuah lai kato denai nan ka adiak pikiakan bana.

Lorong kapado badan denai alah lamo denai mentjari oleh banjak ransau tadjalang lalu ke Agam tanah darek sampai karanah Limo Puluah sampai ka Luhak Tanah Data alah denai tam-

pauh denai djalani lalu ka Kubang Tigo Baleh sampai karamah Sungai Pagu barapo anak radjo² sarato puti nan pilihan indaklah basuo denai nan dihati. Ado nan rantjak ado nan manih nan bapipi pauh dilajang nan bamato galinggang lalok nan bapandangan sirauik djatuah. Kok bitianjo atam sauleh galeknjo rangkah giginjo gewang diasah. Baitu djuo budi parangainjo sapa dan saindang djo ruponjo muluik manih bakato pandai tjakap mananti tamu datang Kok hidang annjo baitu pulo bak bungai kambang sataman indah rupo harum baunjo sanduak nasinjo samuik baririang tuang aianjo tak panuah tak tumpah pandai mamasak djo manggulai tahu manjulam manarawang tjakap batanun djo manakek. Alah langkok ganok nan basuo babagai roman djo tampannjo.

Mandanga kato nan bak kian maradjuak si gadih maso itu tumbuhan tjimburu indak santao raso dieh djo disindia lalu bakato hanjo lai:

Manolah tuan djanjo denai lai meh baitu karo tuan barapo banjak reno gadih sarato puti nan pilihan mangapo tuan mandajo denai rintang maragu djo maraju indaklah denai kasapadan ijo djo tuan Marah Baganti urang dunia banjak batuah banjak nan suti djo kiramaik tuan ameh denai timbago sapantun manantang tjajo matohari!

Galak tasengcang Marah Baganti gali hatinjo
mandangkalan djarek ditahan buruang enggok djalo
taserak ikan tibo batambah gadang hati,

Adiak denai Puti Marintan Aluih dangakan
malah kato denai bialah puti dari lauik atau
mambang dari langik nan dihati sungguah adiak
surang.

Mangapo baitu kato denai karano adiak basuo
njo ditalago dibawah gunuang.

Dangkalan diadiak tjurito saukatu bapak denci
manundjuak maadjari baliu bapasan maso itu
djokok anak mantjari djedoh tjari dianak ka
mano-mano bia dilauik bia d'arek misiki ka
sampai kalangik tinggi nan kadjadi djedoh
anak kanduang ijolah nan mamakai tjeno di-
bawah mato antaro mato djo bibianjo batjila-
lak nan basah dek aia mato itulah padusi nan
bituah limpapeh rumah nan gadang atjang² da-
lam nagari dalam nagari itulah nan disabuik
talago dibawah gunuang.

Manolah adiak Puti Marintan Aluih di adiak
basuo nan bak nantun.

Bagalauik sanjem dibibia manjirah pipi nan mon-
cok hati nan bak diambuung-ambuung hati lakek
pandanglah sudah indak ka dapek diubah lai.

Mato habih musim balalu alah babaling bulan
djo tahun antah baropolah lamonjo kunun di
Marah Baganti duo djo Puti Marintan Aluih
alah mandjadi duo kadurang. Kasiah bapadu
tiok hari satapak indak batjarai samiang balun
bagagang. Kalurah samo manurun kabukik samo
mandeki. Dek pandai babudi baso kasajang-
mande djo bapak ujadi taruhan rumah nan
gadang pudjaan kawan dalam kampuang gadang
katjak kasiah sadonjo

Ado kapado suatu hari buruang basua diateh
dahan ajam bakukuak tadanga dja h hati nan ra-
mang-ramang kian banjak takilan dalam hati ba-
tjempua pangana djo nan rusuah.

Kunun di Puti Marintan Aluih injo nan sadang
duo badan takana badan dirantau urang tatjinto
mande djo bapak taragak kampuang halaman sarato
tapian tampek mandi.
Malihék rupo damikiau lalu bakato Marah Bagantj :

Adiak kanduan Marintan Aluih pasanang malah
hati adiak usah dikana djuo kababaliak !

Kunun Puti Marintan Aluih taganang aia di-
mato ramuak rasonjo dalam hati injo bakato bahibo²:
Djundjungan denai marah Baganti mukasuik
kito alah sampai takana denai nak babaliék
pulang tabajung tapian tampek mandi takana
kawan samo gadang baitu djuo rumah nan ga-

dang malah sunji garan tu kini. Alah hilang
ajam panciek bandua nan indak balubuk lai.
Alah kosong andjuang paranginan alah kusuk
banang ditanunan.

Kunun di mande kandung denai mokin baliu
sakik² alah kuruh garan agaknjo Drintang ma-
rindu siang malam.

Djokok itu djuo nan adiak kana ijo kasantai
djuo malah denai. Djo siapa denai adiak ting-
gakan baiun mantjubo kito basjarai baiun
kito sakali bapisah.

Salamo kito duduk bakawin ijo ini basuo
bapak denai denai nan indak manu npany dirumah
gadang katirisan ijo lai talago dibawah guntuag
banjak rasaki nan mandatang tabukak pantjari-
an kito baduo.

Alah depek kito mambuek rumah alah basawah
djo baladang barapo taranak kabau djawi ajam
itiak baitu pulo Ameh perak kain djo badju
resonja indak ado nan kurang.

Tapi djokok adiak takana djuo nak bababaliak
pulang taban rasonjo tanah tampaek bapidjak
sakahlah dahan tamprak bagantuang putuilah
tali tampaek bagajuik kamano denai mang-
gabai lai.

Tuan denai Marah Baganti di denai indak baduo
hati. Djokok takana korong djo kampuang indak

lah amuah denai maninggakan tuan katingga surang sadjo apo lai denai kabatalin.

Djokok saripai pambari Allah santano anak kito alah kiah hanjo sabuah pintak denai sampaikan bara kasih tuan kito bas maliah anak kito pai mandjalang agak sakali ijo malihiek niniak injo ka ateh gunuang Marapi.

Bak mano pulo denai ka pai badan denai sakasa nangko laikoh dapek denai tabang mandjadi bangso urang aluih.

Galak bagumam Marintan Aluih lalu bakato maso itu :

Kini baitu lah dek tuan djokok tuan lai amuali pai isuak denai katokan rasionjo mantikan dulu anak kito amaknjo lahai kadunta barangkek malah kito isuak.

Heran tatjengang Marah Baganti mandanga katonan bak kian apo rasionjo koloh garan hanan harok² tjameh raso ka bas ukatu nak badjalan habih siang baganti malam amaknjo tibo diwakatu nan baiak amaknjo sampai kakutiko nan elok.

Dek lamo bakalamon alah tjukuik pulo bulanjo alah sampai sambilan bulan lahalah anak Marintan Aluih baranak surang laki² rantjak nan bukan alang². Gadangnjo bak dilambuak-lambuak tingginjo bak didjundjuang-djundjuang

kasajangan mande djo bapak djadi pamenan patang djo pagi banamo Mantjajo Alam.

Ado kapado suatu hari takana djangji maso itu handak mambao anak kanduang ka ateh gunuang Marapi pai mandjalang mande kanduang handak malihek niniak Mantjajo Alam.

Alah barangkek maso itu didukuang Mantjajo Alam ijo dek bapaknjo Marah Baganti. Banjaklah rimbo talalui barapo sungai disubarangi padang nan laweh dilampaui lalu mandaki hanjo lai.


Sapueh-pueh dek mandaki manurun pulo maso itu binatang rimbo badangusan ula malingka ateh kaju taduang maintai dibaliak dahan. harimau ma-linteh² djuo tabiklah takuik maso itu raso ka habih njao badan dilulua ula gadang² disuntiah dek biruang rimbo.

Alah panek garan tu kini dek lah lamo manurun mandaki lalu bakato Marintan Aluih :

Manolah tuan djanjo denai alah djauah kito badjalan alah panek tuan mandukuang ijolah anak kanduang kito mari kasiko denai gantikan !

Mandjawab Marah Baganti paluahlah rinai dikaniangnjo pungguangnjo lah basah pulo :

Bialah denai mandukuangnjo rimbo gadang nan kito tampuah barapo pulo pasawangan. Taruihkan sadjo malah djalan.



Dek lamo lambek didjalan alah mandata maso itu manampuah padang ribu² tampak talago dari djauh. Lalu bakato Puti Marintan Aluih :

Manolah tuan djundjuangan denai alah tibo garan kito ditalago Pintjuran Puti. Samintaro hari balun tinggi elok basigiro malah kito nak dapek djuo kito tibo dihari nan sahari nangko ijo dirumah mande kito alah raso basuo garan tu kini.

Djokok baitu kato adiak denai manuruik tantang nantun apokoh karadjo badan denai amak denai langsungkan pulo.

Basugiro malah kito ijo di Pintjuran Puti nangko. Djokok kito alah mandi badan barubah hanjo lai tubuah nan kasa djadi aluih. Paman-dangan barubah maso itu sago nan gaib alah ka nampak. Usah tuan takadjuik-kadjuik ataupun gamang sasudah iko.

Turunlah mareko maso itu masuk kadalam talago Pintjuran Puti bakatjimpuang mandi dalam aia tingkah batingkah katjimpuang kaki babalah dengan katjimpuang tangan rami bunjinjo bak ta-tempong.

Ado sabanta antaronjo galaklah Puti Marintan Aluih galaknjo badarai-darai :

Bak mano parasaan tuan apo pikiran tuan kini

tubuh kito alah aluih. Djokok lalu urang disi ko kito nan indak nampak dek injo.

Sungguah takadjuik Marah Baganti dilihek badan alah barubah baniang sadjo bak tjando katjo djaniah bak mato kutjiang. Batjampua heran djo tatjangang:

Adiak kanduang Marintan Aluih bak apo iko agaknjo badan denai bak raso bajang² tagamang bana raso hati raso malajang diudaro. Manolah adiak kanduang denai tolong patjikkan badan denai!

Kunun Puti Marintan Aluih mandanga kato nan bak kian riang hatinjo bukan main:

Usahlah tuan gamang bana indak mangapo itu tuan tjubo lihek itu dek tuan arah kalua tabek nangkò laikoh ado tuan manampak rumah gadang bususun-susun lumbuang padi bairitan djalan rami labuah nan golong.

Alah mandjanguak Marah Baganti malihék kalua cabek nantun. Nampaklah urang hilia mudiak rami nan bukan alang² barapo rumah gadang² rumah batok idjuak batatah baukia-ukia ukia bapitin aka tjino rumah gondjong batatah timah baandjuang bamego-mego :

Heran bana denai mamandang dari mano datanginjo nan banjak nangkò rami bana urang disiko ran-

tjak bana nagari nangko kajo² panduduaknjo.

Bakato pulo Marintan Aluih bakato sambia baktjikak :

Manolah tuan djanjo denai adopun nagari nangko bukannya datang kamudian bukannya turun dari langik hanjo saukatu tuan batubuah kasa indaklah djaleh dek mato kito.

Katiko kito lalu dirimbo tjako bukannya lalu dirimbo rajo hanjo malewek nagari djuo hanjo indak nampak ulieh mato karano kito batubuah kasa

Itu sababnjo mako dilarang djokok lalu dirimbo rajo muluik nan usah tadorong-dorong kato nan usah tatompek² karano rimbo ado paunjinjo.

Adiak denai Marintan Aluih tagamang bana badan denai. Ba apo aka pado denai djokok kito nak babaliak pulang rusuahlah denai tantang nantun santano tubuah indak namuah kasa lai. Alamaek kalaruik dagang sansai alamaek indak kabasuo korong kampuang alamaek katingga tapian tampak mandi ka baapo kolah kato mande!

Galak badarai Marintan Aluih kato badjawek djo garah sadjo.

Dek lamo lambek disanan alah manudju kadalam kampuang taruih sakali karumah mande.

Habih hari babilang pakan bulan baganti dengan tahun alah bamusim pulo disanan Kunun di Marah Baganti hati nan djauh² sadjo bsnjak tapikia maso itu.

Ado kapado suatu hari malihek rupo damikian bakato Puti Marintan Aluih :

Manolah tuan djanjo denai anak kito Mantjajo Alam gadangnjo bak dilambuak-lambuak tinggi-
njo bak di djundjuang-djundjuang. Sananglah
hati maso kini tapi djaheknjo bukan alang
kapalang gilo batjakak tiok hari indak ado
kabakeh takuik takato bana kabaraniannjo.

Adiak kanduang Marintan Aluih anak kito ijo-
lah gadang sadang elok kapamenan buah hati
limpo bakuruang ubek djariah palarai damam
sidingin tanpa dikapalo.

Bakato pulo Marintan Aluih bakato ba-hibo² :
Hanjo sabuah nan taraso tuan nan indak sa-
nang disiko. Mangapo tuan rusuah sadjo gilo
bamanuang tiok hari zpo nan kurang pado kito ?
Djokok tuan lai takana ijo didjandji nan da-
hulu djokok indak samo ditjari nan ado samo
dimakan kalurah samo manurun kabukik samo
mandaki sapantun aua dengan tabiang sakik sa-
nang bagi baduo kan baitu djandji kito.

Mandanga kato nan bak kian duduak tama-
nuang Marah Baganti batambah laruik dalam
hati :

Adiak kanduang Marintan Aluih mangopo adiak bakato bak nantun denai nan balun barubah dari dahulu.

Bakato pulo Marintan Aluih :

Sungguah samantang pun baitu djokok tuan barusuah hati hibolah denai mamikiakan apo taragak pado tuan kok djauh buliah denai djalang djokok dakok buliah denai djapuik tjubo katokan pado denai !

Kunun di Marah Baganti mandanga kato Marintan Aluih tarumuak rasonjo paratian. Kadikatokan batarang-tarang kok njo tahibo hati Marintan kaditahan sadjo dalam hati ramuak rasonjo paratian duadak tagak bahati laro. Lalu bakato Marah Baganti :

Adiak kanduang Marintan Aluih dangakan bana kato denai alah bamusim denai disiko alah babilang bulan djo tahun. Katjiak baru anak kito kini lah pandai bamain surang.

Manolah adiak djanjo denai taragak bana denai nak babaliak pulang tatjinto mande djo bapak takana tapian tampek mandi Kini apo katenggang badan denai badan denai sa aluih nangka.

Djokok itu nan tuan katokan mangapo pulo bahibo hati mangapo dibao bamanuang sadjo kuruh malah tuan disiko. Mangapo tuan haniangkan sadjo mangapo diranguah kadado surang.

Djokok taragak nan tuan katokan denai alah mantjubo pulo ramuak rasonjo dalam hati. Dapek dek denai marasokan samaso denai di-kampuang tuan.

Ijo bana itu tuan satinggi-tinggi malatiang djatuahnjo katanah djuo sadjauh-djauah tabang bangau enggoknjo kakubangan djuo biaso sadjo itu tuan tandonjo awak banagari lai bakorong djo bakampuang.

Sanang hatinjo Marah Baganti mandanga kato Marintan Aluih. Tabukak rasonjo kiro² djanieh didalam paratian. Lalu bakato maso itu :

Sababnjo denai bahaniang diri makonjo indak denai sabuik djokok adiak salah tarimo dikatokan denai maubahi sagalo djandji nan dipadan dikatokan denai indak kasiah pado anak barubah hati pado adiak.

Itu bana nan marusuah njampang tasuo nan bakantun djauah tahibo dalam hati. Itu sababnjo denai haniang mangkonjo indak mangato-ngato.

Galak tasanjum Marintan Aluih lalu bakato hanjo lai :

Tuan denai dangakan malah dek denai indak baitu hibo tuan rusuah didenai sakik tuan padiah di denai.

Djokok ijo tuan nak babaliak pulang

malihek korong kampuang tuan hanjo sabuah pinto denai lakeh tuan pulang kamari. Idjan lamo kami ditinggakan tatjanguang malah anak kito tagamang Mantjajo Alam siapo dek denai tampek bamandjo.

Djokok baitu kato adiak sananglah hati mandanngakan djokok lai izin adiak ijo denai nak malihek mande.

Tapi bak mano denai ka pai badan nan bak tjando iko tubuah denai saaluih nangko.

Hibo ha:injo Marintan Aluih malihek kurenafi Marah Baganti roman baputuuh aso sadjo :

Tantangan ditubuah tuan buliah pulo dikasakan baliak tapi sabalun rasionjo denai katokan badjandjilah tuan pado denai tuan nan indak kamungkia djandji kasiah tuan indak kapupua tjinto nan indak baubahi,

Kunun Marah Baganti taganang aia matonjo djauh tahibo dalam hati ramuak rasonjo paratian kasiah dianak bukan kapalang hibo rasonjo kabatjarai, Tapi taragak di mande indak tabado nampek-nampak pudiang di halaman tabajang pinang nan linggajunan baitu djuo kawan samo gadang sarato tapian tampaek mandi. Bakato bahibo-hibo :

Manofah adiak kanduang denai dek denai indak baulang. Saedaran gunuang Marapi salurah batang

Bangkaweh-adiak surang nan tampak hati mangapo di adiak baulang djuo. Ameh batampo indak kalantjuang taanta katiang orasj kabawah takasiak bulan ka ateh ta ambun djaran.

Djokok lah baitu bana kato tuan sananglah pulo hati denai denai lepeh djo hati suci sarato muko nan deraniah dena. lepeh djo doa pakawaran. Patih tuan turun babarulah satibo tuan di Tabek Patah mandilah tuu agak sabanta. Disanan tubuah mandjahi hati.

Tapi lakeh tuan babalik mandi pulo di Pintjuran Puti ditalago dibawah gunuang anak-aluih pulo badan tuu.

Mandanga kato nan bak kian heran tatjantung Marah Baganti bakuak rasonjo kabulik dalam tubu-kak pikiran maso itu. Dipaiuaknjo Mariecan Aluih koesih bopadu maso itu:

Adiak kanduang Marintan Aluih libo rasonjo hati denai akan bitjarai djo anak kanduang gampua rasonjo darah dagiang:

Hanjo sabuah pintak denai karano badjalan djauh bana bakato indak sadang sapatah badjalan indak sadang salanglah balak ditjinto buruak kok tibo santano malang badan denai indak lakeh denai babaliak ataupun tilako nan manimpo njao didalam tangan Allah.

Iko galang aka baha nan diambiak dilauik basa bapaluik djo ula bidai batuah nan bukan alang? tolong lakekkan katangan anak kito pasangkan disabalah tangan kanannjo. Idjan talakekkan disabalah kida tjilakonjo tibo sakali saribu siang saribu malam kutuak mamakan maso itu. Tapi djokok lai kanai pasangnjo indaklah injo tafok dek basi indak dimakan biso kawi tahan tapo basidjingkek tahan putaliang badju basi. Ikolah pusako niniak denai urang batuah hiduik? patjik pitaruah adiak kanduang amaknjo salamek anak kito.

Mandanga kato Marah Baganti sananglah hati Puti Marintan Aluih lalu 'diambiaknjo galang nantun dilatakkannjo dibawah banta sambia bakato maso itu :

Manolah tuan djanjo denai pitaruah tuan denai kanakan indak ka lupu itu dek denai dipatjik arek dibuhua mati.

Kunun dimalam samalam nantun sapitjiang indak talalokkan gilo batjumbu djo bagurau namonjo urang mudo? namonjo kasiah ka dibao badjalan djauah antah pabilo kabasuo lai rantau djauah nan kadidjalang barapo rimbo pasawangan.

Diambiak anak lalu didukuang ditangisi Mantjanjo Alam ijo dek bapaknjo Marah Baganti hibolah hati kasadonjo saisi rumah nan gadang ma-

lihek kurenah bapak djo anaknjo luluah rasonjo dalam hati sapantun katjo ditimpo batu aia mato badarai-darai bak maniak putuih pangarang.

Ramilah urang badatangan malapeh Marah Baganti badjawek salam maso itu dilapeh djo pakauran.

Alah satahun duo tahun tjukuik garan sapuluah tahun. Kunun di Marah Baganti kaba tidak barito tido antah lai sampai kakampuangnjo antah moh mati dalam rimbo antah moh hanjuik dalam sungai dibao hanjuik kamuaro.

Adopun Mantjajo Alam alah mandjadi urang mudo bagak nan bukan main² batjakak patang balarah bakato pantang marandah. Gilo bamain tiok hari paibarambuang sipak rago sarato batandiang ratjak kudo.

Ado kapado suatu hari datang injo bagageh-gageh mukonjo nan merah-merah padam dibawah baru lah mahimbau :

O. mande; Mande Manolah mande kandung denai! Bukakkanlah pintu denai kanaik.

Tjameh rasonjo Marintan Aluih mandanga anak mahimbau djauah sungguah takadjuk bundo kandung balari sakali mambukak pintu

Anak denai Mantjajo Alam mangapo anak bagageh-gageh angkuah talalah djo takadja apc sadjadi pado anak?

O. mande djo den dimande eloklah kito pai dari siko. Djokok lamo kito disiko amuah bantjak tiok hari indak denai katakuik diurang siko. Denai dihinu dibari malu dikatokan denai anak dapek dikatokan denai indak babapak anak gampang urang dunia.

Anak denai Mantjajo Alam mangapo anak tarabo rabo mangapo didangkalan kato urang kato banjak kato bagalau usah dipaturuikkan darah mudo indak elok urang parabo urang parabo hilang aka indak elok urang panggambang urang panggambang mati djatuh urang pandingin mati hanjuik urang pandareh dalam kanai

Mandanga kato mande kandung sanang saketek dalam hati. Hizi nan paneh djadi dingin alah takana di nan bana diuruik dado maso itu pajah rasonjo manahan hati.

Manolah mande djanjo denai indaklah denai marabo-rabo sadjo denai diudji ditjubo-tjubo ijo dek urang nagari nangko. Tapi satapak denai indak kasuruik salangkah indak kakumbali. Sadjak katjiak banamo laki²

Hanjo nan marusuah dihati denai kok lamo kito disiko mungkin bautang badan denai mungkin mati dek denai padja² nantun. Sabalun² tadjadi nan bak nantun kok bapak de-

nai-ijo urang dunia eloklah kito pai kasanan
Mandanga kato Mantjajo Alam dalam tasing-
guang hati Marintan Aluih rasonjo indak tabado ba-
kato sambia manangih:

Usah diszbuik tu nak kanduang djaauh tahibo
dalam hati.

Mangapo mande barusuah hati mangapo mande
manangih-nangih?

Tantangan di bapak anak kanduang antah hiduik
antak molu mati pasan indak barito tido.

Katjiak baru anak maso itu mulo baliu kaba-
djalan kini anak alah gadang balunlah djuo
baliu babaliak.

Njampang lah mati bapak anak djo siapa kito
ka di sanan alang rumiknjo manompang hiduik
badagang dinagari urang awak nan indak sa-
bangso pulo urang manusia awak mambang.
Indak mande sangko ka bak nangko eloklah
kito disiko djuo.

Kasansai djuo malah kito disiko sakik sanan
tak sanang disiko rumik disanan sarik ka ba
apo kolah kasudahannjo apo katenggang badan
kito. Kini baitulah dek mande bjalah denai
pai surang pai mantjari bapak kanduang

Tasenguik Marintan Aluih nia mato Iriang gu-
miriang batambah sansai paratian raso kabalah

dalam dado bakato sambia manangih taisak tasadu-
sadu :

Anak denai Mantjajo Alam usah disabuik duo
kali anak ka pai dari siko akan maninggakan
mande kanduang,

Kasih tadorong pado anak indak dapek dibao
djauh. Mande indak namuah ditinggakan idjan
disabuik djuo kabadjalan ruruik rasonjo darah
dagiang.

Tantangan dikato urang banjak pakoklah sadjo
talingo anak urang edan kito kagilou rang
pasiak kito ka mabuak. Hibo! malah ba-
dan denai anak kaganti bapak kanduang.

Malihék mande damikian bahibo hati roman
nantun manakua Mantjajo Alam hilang akanjo ma-
mikiakan. Apo gunonjo disabuik djuo djokok made
barusuah hati akan manjansakan mande sadjo. La-
lu bakato hanjo lai :

Djokok baitu kato mande denai manuruik tan-
tang nantun kini denai ka pai kagalangang pai
barambuang sipak rago banjak bakumpua anak
mambang barami-rami garan tu kini batandi-
ang ruduik main padang maudji kapandajan
ratjak kudo denai ka pai kini djuo.

Alah turun Mantjajo Alam taruik sakali naiak
kudo kudo balang baroatji sisunduak marapuih
tanah kaniang mandaun bodi ngiehno bunji rang
maimbau kakinja putiah ka ampekno bapalano ameh

batali suto.

Alah manduo-duo ketek mandarap didjalan rajo ganto babunji maso itu tingkah-batingkah bak ta-lempong bareno hati nan mandanga angkuah bapa-kasiah djo pitunang.

Barapo anak dewi² sarato mambang dengan pari badjanguakan kalua tingkok tegerai rambuik nan pandjang kadja bakadja ateh andjuang kusuik banang ditinggakan mandanga ganto kudo Mantjajo Alam Barabuik gadih maso itu handak malihek urang maso gagah nan bukan alang² rabuitan gadih dinagari. Nalihak pakaian Mantjajo Alam turak turai biludu gandum balahan badju disarugo ditanun anak bido-dari suto kusuik badjulah sudah Indak dapek ditiru lai sibia batanti banang ameh intran djo pudi bagandiangan heran tatjangang mamandangi pagi² rononjo kuniang tengah hari rononjo hidjau patang² rono limbjuang djokok dilipek sabalun kuku djo-kok dikambang saleba alam heran mamandang kosadonjo.

Tabang balam mambubuang tinggi
Engkok di ateh pintu bandua
Djokok malam djadi buah mimpi
Malapeh niek dengen kaula

Antah barapolah lamonjo tasabuik pulo Marah Baganti takana di anak kanduang diri batjinto di Puti Marintan Aluih. Alah lamo bana ditinggakan alah

babilang musim djo tahun. Kini taragak nak babaliak malihiek anak ka ateh gunuang alah gadang garan tu kini ijo ka rantjak Mantjajo Alam djadi rabuit-an reno gadih.

Mato nan indak amuah lalok siang malam dimabuak rindu raso basuo dirasian baktjikak didalam mimpi. Indak tatahan raso hati handak mandjalang anak kandung kadibao ka ateh dunia supajo dilihek mande kandung.

Ado kapado suatu hari alah barangkek Marah Baganti dilalui labuah nan pandjang. Lapeh pulo dari sanan manudju rimbo hanjo lai.

Dek lamo lambek didjalan alah panek manurun mandaki sampailah Injo katalago Pintjuran Puti. Galak tasanjum Marah Baganti tasengeang kadiri surang badan nan kasa kadjadi aluih barapo katjangannguang badan diri tagamang siapo mamatjikkan Marintan Aluih indak ado.

Masuaklah Injo kadalam aia lalu mandi baktjimpuang taraso sakali parubahan, lalu bakato san-dirinjo :

Alah aluih pulo badan denai badan saraso bajang² alah lamo bana denai indak konari kini takana di anak kandung alah gadang garan tu kini bak raso ka baa denai nak tibo dirumah Puti Marintan Aluih-

Balun lai Injo kalua dari dalam talago nantun tadanga dek injo rantak kudo sarato hariak nan punjonjo :

Siapo garan nan sakurang adja nangko kalualah dari dalam talago djokok lai lamak djuo buah djarami

Mandanga kato sakasa nantun badabok darah didado taraso dimaki dihinokan.

Ditahan darah nan naiak lalu bakato maso itu.

Mano rang mudo nan datang nangko indak usah kato mandareh denai nan bukan padja katjiak manjapo nan indak basantao

Kunun di urang nan datang nantun ijolah Mantjajo Alam injo indak tahu pado bapaknjo. Baitu djuo Marah Baganti indaklah pulo tahu pado anaknjo.

Malihek rupo urang nantun angkuah bak roman urang malawan bangih berang Mantjajo Alam Idjanlah babanjak ketjek talago nangko talago larangan. Mangapo tuan mandi disiko indakkoh tuan mandanga baritonjo iko nagari urang bunian patuik tuan dihukum bunuah ataupun ditjampakkan kadalam kawah.

Bukannjo denai urang bodoh bukannya denai indak tahu denai datang kamari nangko ado mukasuik nan didjalang itu sabab denai kamari tubuah nan kasa makinjo aluih.

Tuan nan lalu lalu sadjo indak baradaik baso basi patuik bana tuan di bunuah. Baitu koh garan urang dunia lalu lalang sadjo dinagari urang indak pandai bakato baijo djokok disiko pantangan bana!

Mandanga kato nan bak kian tabik pulo bangih-njo Marah Baganti lalu kalua sakali dari dari aia Habih sabanjo maso itu basa bana taraso kato rang mudo nantun indak patuik sarupo itu balun ditanjo dipareso.

Djokok ijo talago balarangan apo koh tando laranganjo adokoh pantjang nan tatagak ataupun pandji nan takiba. Kini manjapo indak santao apo lai pulo ka urang tuo indaklah patuik tjaro nantun.

Mangapo rang mudo sakasa itu djokok kami urang dunia alek datang lapiak tabantang Santano ado urang datang urang mandjalang nagari awak patuik disapo dipabasokan itu tandonjo urang mardeso indak tjaronjo sarupo iko. Samantang rang mudo gadang tagok denai lah tuo indak badajo dikatokan denai katakuik. Satapak turun dari djandjang djokok balun basuo nan di tjari bulunlah denai babaliak pulang. Usahlah muluik sagadang itu bana denai alah saumpo urang disiko ado bakarik bakabihan santano indak ado barado mangapo denai datang kamari.

Baru mandanga nan bak kian malompek Mantjajo Alam disintakkan padang djanawi lalu mahariak mahantam tanah :

Indak usah babanjak ketjek djokok ijo tuan urang bagak tjubokan bana bagak tuan nantikan dek tuan tangan denai!

Busugiro pulo Marah Baganti samo bapadang kaduonjo lalu bamain maso itu. Ganti dorong mandorongkan pauak mamauak dengan padang samo pandai samo tangkeh. Lendolah samak dek bagaluik barapo kaju patah² ado nan putuih kana pantjuang. Bunji padang mandantjiang-dantjiang bunji tanah badambun-dambun. Tjakak nan indak baka-ralahan samo tjapek samo sigek habihlah padang patah² lalu batuka dengan karih.

Dek lamo lambek batjakak alah pajah Mantjajo Alam latiah nan bukan alang². Tapi dek hatinjo nan kareh djuo apo lai awak urang mudo balun mantjubo kalah digalanggar indaklah injo amuah munda batambah bangih dihatinjo mokonjo njalo merah padam.

Tuhan babuek sakandaknjo taambiak dek injo langkah sumbang. Surungguah samantang pun baitu kunun di Marah Baganti indaklah injo mamasuki hanjo tasengeang mantjimooh. Hibo hatinjo manikam urang mudo nantun rantjak nan bukan alang² Kok njampang mati padja nangko alang ka hibo mande bapaknjo itu ta-

pikia dek Marah Baganti

Maliek tjimoooh nan bak nantun njalo hatinjo
Mantjajo Alam lupu didiri maso itu injo mande-
rong dareh bana.

Disinan kanal mantjajo Alam darah manjambua
dari dado. Ado sabanta antaronjo lajualah sagalo
sandi anggoto indaklah injo badajolai:

Aduah! Alah kanai denai dek tuan sakik nan
bukan alang² ijo santiang tuan batjakak indak
tatahan tangan tuan.

Denai nan indak manjangadjo mukasuik denai
indak nak mambunuah tapi datang rang mudo
dareh bana.

Alah kabua pantjaliakan Mantjajo Alam angok-
njo lah tjiek²:

Manolah tuan djanjo denai Indak tatahan sakik
kamati darah kalua banjak bana.

O, tuan djo den di tuan djokok denai alah
mati bamurah hati malah tuan maantakan de-
nai ka mande denai.

Mano rang mudo djanjo denai siapa koh ga-
ran mande rang mudo?

Mande denai banamo Puti Marintan Aluih. De-
nai datang kamari nangko handak mantjari ba-
pak denai nan banamo Marah Baganti urang
nan asa dari dunia.

Mandanga kato nan bak kian tagaruang Marah Baganti dipaluak anak ditangisi rase kagilo maso itu:

Mantjajo Alam Mantjajo Alam! Denailah nan bapak anak kanduang Manokoh garan galang aka baha?

Mangapo dipakai disabalah kida? Denai manju-ruah pasangkan disabalah suok mande anak garan nan salah.

Adopun Mantjajo Alam injo nan indak betanago lai sungguah samantang pun baitu tabik tjahajo dimukonjo galak tasanjum maso itu:

O, bapak djo den di bapak ampun baribu kali ampun bukan mande nan salah denai djuo nan sio². Ado pitaruah mande kanduang namun dihari nan sahari nangko denai aliah kasabalah kida.

O, bapak, mangapo koh bapak mako lamo bana ka babaliak?

Kunun di Marah Baganti maratok marauang pandjang diambiaknjo darah Mantjajo Alam di-lumakannjo kamukonjo manjasall badan nan tjilako:

Malang bana badan denai alah lamo denai dek batjinto kini anak alah basuo denai pulo nan mambunuah.

Mantjajo Alam Mantjajo Alam alah mati anak denai.

Sampai adjanjo Mantjajo Alam didalam tangan bapak kanduangnjo. Awak nan rantjak mudo matah harapan mande djo bapak djarek samato bundo kanduang atjang² dalam nagari ajam nan tangkeh digalanggung rabuitan puti dengan mambang.

Alah kalangang urang dimedan ajam batuah nan lah hilang alah kasunji tapian rami indak ado tampek bakutjindan lai.

Kunun di Marah Baganti didukuang anak maso itu badjalan didjalan rajo diturikkan labuah nan pandjang. Darah manitiak ateh tanah heran tatjangang urang banjak malihek rupo damikian. Babodong-bodong manuruikkan kalua sagalo isi nagari. Batangisan urang gadang katjiak satangahnjo manabah-nabah dado maratok babuah-buah Barapo pulo rando gadih bapakiakkan turun dari andjuang balarian kalabuah nan golong bangkakah mato dek manangih manuruik djuo dibalakang.

Indak di sangko ka bak nantun singkek umuanjo Mantjajo Alam sanang taragak inja badjalan pai nan indak kababaliak lai mambari-bari arok sadjo babuah-buah bunji ratok bagai-bagai bunji pantun.

Dek lamo lambek didjalan alah sampai karumah Marintan Aluih.

Kunun di Puti Marintan Aluih darah badabok dabok djuo hati nan indak amuah sanang duduak tagak

maraso rasah. Malihek urang sarami itu batambah tasirok darah didado. Apokoh garan nan tadjadi si-
apo pulo nan badukuang itu pikiran maso itu.

Adokoh bahajo nanlah tibo adokoh nago dari kawah nan lah manjalah masuak kampuag ataulkoh gunuang kamalatuih mako urang sabanjak nangko ban-
tjano apo kolah iko sungguah takadjuik Marintan Aluih malihek urang babondong-bondong.

Lalu balari kahalaman disongsongnjo urang nan banjak:

Apokoh garan nan tadjadi mako urang saba-
njak nangko?

Balun badjawek tanjo nantun nampak dek injo Mantjajo Alam takulai dalam dukuang darah ma-
nitiak ateh tanah.

Tapakiak Merintan Aluih dilihek anak alah mati lalu dipalun dipangkunjo pangsanlah injo sa-
kutiko. Habih manangih urang kasadonjo batambah uluah raso hati sanguak sangak urang nan malihek
ndak tabado raso badan.

Ado sabanta antaronjo alah tahu injo didiri-
lalu maratok maso itu manangih marauang pandjang anak surang tungga babeleng kaganti niniak dengan mamak kini injo lah mati pulo.

Malihek rupo demikian indak tatahan dek Marah Baganti aia mato badarai-darai lalu bakato hanjo lai :

Adiak kanduang Marintan Aluih alah lupo adiak di denai denai bapak Mantjajo Alam datang kamari dek taragak rindu di anak si-ang malam batjinto di adiak kanduang diri. Kini alah mati dibunuah dek tangan nan tjilako.

Mandaga kato nan bak kian batambah klamaik rasonjo dunia urang nan di tjinto alah basuo urang dirindu alah babaliak tapi bak iko pulo nan tadjadi raso ka gilo Marintan Aluih luluah rasonjo kadalam tanah batambah-tambah buah ratok njo

Tuan denai Marah Baganti apokoh garan nan tadjadi mangapo injo tuan bunuah ? Tuan denai Marah Baganti alah lamo injo dek taragak taragak nak basuo djo bapak kanduangnjo kint injo tuan bunuah apokoh garan kasalannjo? Manolah tuan djanjo denai bunuah pulo malah denai amaknjo pueh raso dihati anak sanang bana hati tuan.

Mandanga kato nan bak kian raso ka gilo Marah Baganti injo manabah nabah dado bakato sam-bia manangih :

Marintan Marintan Aluih manolah adiak djanjo denai usahlah adiak bakato baitu indaklah de-

nai tahu di injo. Mangapo galangnjo disabalah kida dahulu denai ado bapasan.

Mako batjuritolah Marah Baganti sagalo apohan tadjadi ijo ditalago Pintjuran Puti saukatu injo sedang mandi karano alah lamo dek taragak nak basuo djo anak kanduang.

Mandanga tjurito nantun batambah hibo hati urang banjak babandong ratok maso itu. Bakato pulo Marintan Aluih bakato sambia manangih:

O, tuan djo den di tuan usalah denai disalsali injo djuo garan nan salah mealah dek malang tjilako badan kito.

Tuan denai Marah Baganti lamo bana tuan ka tibo iko djiniahnjo parasaan baik djadinjo paruntungan. Apo disasa pado diri masa dek tuan untuang kito kasiah kami tuan lengahkan tuan bao badjalan djauah.

Kini baitu malah dek tuan apo gunonjo kito hiduik eloklah kito pai pulo manuruikkan Mantjajo Alam tagamang injo surang sadjo labuah sampik djalan kok lanjah kamano injo kamanggapai.

Mantjajo Alam Mantjajo Alam anak denai Mantjajo Alam!

Dihari nan sahari nantun saedaran gunung Marapi salurah Batang Bangkaweh habih bakabuang kasadonjo. Baitu djuo gunung Marapi djo

Singgalang turuik pulo basalendang awan tando-
njo sato badukotjito megopun manduang indak
batjajo. Lalu badantuang guruah tuhua manembak
pulo patuih tungga. Tjandonjo kilek sabuang-basa-
barang hudjan pun turun dari langik palangi ma-
hampai banang rimbo lah basalimuik kabuik mam-
bang bagalau maso itu

TAMAT



Sedang ditjetak pesannya segera !

1. Neraka ditengah Samudera !)
2. Detik² Djahanam.) TJERITA ROMAN.
3. Djeritan maut dari neraka.)
4. Irama Baru Minang Modern Seri A. Wajah Indah Rp. 30
5. " " B. Wajah Indah Rp. 30
6. " " C. Gaya Baru Rp. 30
7. " " D. Gaya Baru Rp. 30
8. " " E. Gaya Baru Rp. 30
9. " " F. Rp. 30
10. Senandung Daerah pakai not Rp. 40

Tjiptaan Sjaiful Nawas, Nuskan Sjani, Osho Husein, Ramadhan Amat, A. Kori Ali.

11. Kaba Siti Sjamsiah Rp. 75.
12. " " Nurlela Rp. 75.
13. " " Mariam Rp. 75.

Harga sengadja dimurahkan, pesan segera pada alamat anda : C.V. Indah Djl. Djend. Sudirman No. 9 Bukittinggi.

HEBOH?

GEMPAR?

PEKIKAN MAUT DI MALAM BUTA

Bunuh, Rampok, Djudi, Silih berganti. Tak kenal kasih sesama manusia, setan jang berkuasa manusia lupa daratan, Dunia dikedjar dengan pikiran jang ditungangi Iblis akhirnya—!

Batjalah buku ini, tidak akan anda lepaskan sebelum tamat !!!

NERAKA DITENGAH SAMUDERA

Perang Indotjina, Perantjis jang ingin mendjadjah lawan pasukan Ho Cin Min jang tak kenal mati. Benteng Bindienphu di kepung . . .

Delta Sungai Merah mengalir dengan arus darah dari pembunuh²an sesama manusia.

Pasukan sewaan Perantjis jang chianat, telah melarikan diri ditengah² Laut Samudera Hindia.

Bagaimana Nasibnja batjalah buku ini !

Darah Tuan akan Turun Nalk

DETIK² DJAHANAM,

Manusia jang diburu² oleh Nafsu Besar Tenaga Kurang, sudah dapat tak dapat berdaja akhirnya menjesal. Orang jang dapat enak kita masuk pendjara. Roman bermutu tak ada tandingannya awas nafsu

Awas Nafsu Besar Tenaga Kurang bisa membawa anda ke Liang Kubur.

Harga Sementara Rp. 100.

899